

## ZENTE DE MONTAGNA

Casula, cantad'hat sos caddos lanzos  
 cun sa ogh'e sos suos castanzeris  
 chi bendian turuddas e tazeris  
 chircand'in donzi parte sos badanzos  
     Oe cun sa vettura los preferis  
     ca de sos ambulantes sun cumpanzos  
     In bidd'isoro e sos logos istranzos  
     non sunis vagabundos che a eris  
 Cun s'auto-parlante in sa piatza  
 esponene s'isorp marcanzia  
 cun sos pretzios iscrittos in listinos  
     Ma calchi olta cunfunden s'arratza  
     Sos turistas e atter'istranzia  
     los creden'sian totu marrocchinos

## II

Cale han'esser sos nostros destinos ,  
 o gioventude lassad'a s'isbandu  
 che s'abbandonu de sos nostros terrinos ?  
     Politicos chi azes su cumandu :  
     Itte nos promintides pro su crasa  
     in cust'istadu tristu e miserandu ?  
 Ca manu,manu,sa tacca prus basa  
 semus tocchende in s'iscal'e sa vida ,  
 sos chi vivimos senza mala trasa .  
     Sunis pagos chi binchene s'isfida ,  
     de tenner su tribagliu o s'impiegu !  
     Un'esistenza onesta est proibida .  
 Sà timenza de totus ,s'arrennegu ,  
 es ca non lischin'itte los ispettada  
 in custu trattu de caminu zegu.  
     Calc'unu a modu sou si protzettada  
     de torrare a suer sa mamidda  
     si s'ambiente galu los atzettada  
 Si aremus provadu in donzi vidda  
 comente una orta de produere  
 cantu gustosu es pro sa massidda  
     S'inventiva nos deviat conduere  
     a ponnere in motu sos telalzos  
     e sos frailes a torrar'alluere  
 Una vida detzente, sos montalzos  
 l'agatene bendende sos produttos ,  
 pastores,baccalzos e procalzos  
     Valorizare devimos sos fruttos  
     fattos cun su marcu genuinu :  
     pane,casu,dulches,e prosciuttos;  
 frutta ,ortalizia,trigu e binu;  
 e cantu sas buttegas artigianas  
 produin'in su situ montagninu .  
     Ispalanchende jannas e ventanas  
     de s'aera limpia a sos profumos

los firmamos, s'ò certu su turismu  
chi prestu aumentemos cunsumos  
Corazu sardos !Viva s'ottimismu  
Ca senza dipender da nessuno  
unu tribagliu had'a tenner donz'unu

IRENE

IRENE NOLI

NUORO